

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostrativum speculum**

Andreä, Johann Valentin

Cosmopoli [i.e. Straßburg], 1618

2. Vocatio

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

moribus impurissimis, mirum est te hominum
flori potuisse præfici, & hoc magis, cum nemi-
nem meliorem reddas, subinde alios habere
quos decipias. *B.* Neminem? *A.* Nomina a-
liquem. *B.* Imo multos. *A.* Vnum. *B.* Vah
obruor numero. *A.* Eiice, qui primus in bucca
B. Tibi ego lusui sim? *A.* Tibi ego filium cre-
dam? *B.* Tuum ego truncum formem? *A.* Tu-
as ego nugas emam? *B.* Tuis ego sordibus mi-
fscar? *A.* Tuas ego virgas adorem? *B.* Meis
ego deliciis caream? *A.* Meis ego pugnis par-
cam? *B.* Itaque non committis filium? *A.* Non
equidem si canis sit, reliquis charior.

2. VOCATIO.

UNde tu tristis? *B.* Ex adytis. *A.* Quid tu
ibi. *B.* Ambibam sacerdotium. *A.* Nefas
vocandus eras. *B.* Ineptus, siquidem aliud ve-
lim operiri seculum. *A.* Itaque ambire oportet?
B. Imò emere, nam in tanta ambientium tur-
ba si nummi fuissent non iam dolerem, *A.* De
vocatione vero ecquid? *B.* Ea debetur, quibus
primogenituræ est, aut hæreditatis. *A.* Obscurè
loqueris. *B.* Sic decet in mysteriis. *A.* Itaque aut no-
men, aut argentum substernitis sacræ functioni? *B.*
Sic tēpora volunt. *A.* Et animarū curam emitis?
B. Cogimur? *A.* Venditis? *B.* Si spes lanæ pluris
sit. *A.* Nihil hic conscientia? *B.* Paupertas pro-
hibet. *A.* Scilicet ad sacerdotale otium tanto
numero à parentibus destinamini, ut arcendi sitis
ab Ecclesiâ, non exorandi. hinc qua primum
ingre-

ingredimini die, res vestras, non eius agitis. *B.* Alendi sunt nostri. *A.* Siquidem Ecclesiæ cura alimonix vel ditescendi potius species est, haud posthac mirabor, si huic rei unice incumbatis. *B.* Non unice, sed post sacros sermones habitos. *A.* Quid si ille ipse sermo tuus sacram pauperiæ persuadeat? *B.* Aliud cathedræ, aliud Oeconomix convenit. *A.* Aut liberalitatem hominibus commendet? *B.* Siquidem in Sacerdotem & res sacras conferre quid velint. *A.* Aut hominem ad maiora festinantem, Dei vocationem expectare iubeat? *B.* Ea est superiorum favor: nam quis è caelis loquentem Deum expectet? *A.* Tu vero credis per hõs nundinatores Deum tibi oves suas vendere? *B.* Illos imperare, me sequi par est. *A.* Vides nempe quo fundamento illa tua iactantia insistat, qua de ordinarium, legitimum, vocatum, Dei legatum, interpretem, & dispensatorem ad populum proclamas? *B.* Interim verbum Dei doceo. *A.* Quid si idem faciat vir bonus ex plebe, animo devoto, corde integro? *B.* Atqui latinè nescit? *A.* Deum germanum nobis explicet. *B.* Methodum nescit? *A.* Scripturæ utatur. *B.* Examen non sustinet. *A.* Et id permulti è vobis ægerrimè. *B.* Locis communibus instructus non est. *A.* Perlegat libellos vestros translatos. *B.* Nescio quid velis. *A.* Id certè, neque illum nequete ad Ecclesiam verè vocari, ubi vel consuetudo, vel nomen, vel cognatio, vel grammatica, vel argentum, vel sollicitatio, vel intercessio, vel lucri ortique spes vos Ecclesiæ obrudunt.